

Kiris-nebā vum la b tuoma tigissā na-kēndr not-rāmbā

SIG-NOY RASEM A 3-9

D SĒN BĀNG BIIBLĀ KARENG PUGĔ | SÖDBO 27-29

“D rik a Zeova togs-n-taare, n da bakd nebā ye”

w13 6/1 11 s. 14

Yāmb mi a Zeova zug-sōma wā fāa bi?

¹⁴ B kēnga a Moyiiz nengē n ti kos sōngre. B yeela woto: “Yaa bōe ti d ba wā yuur na n menem a buudā suka, b sēn ka paam bi-riblā yīnga? Bi y kō tōnd zīg d ba wā ba-biisā suka.” A Moyiiz pa yeel ti tōogā sēn wilg būmb ningā bal n be ye. A “rika yellā n kēng Zu-soabā nengē.” (Sōd. 27:2-5) A Zeova sēn kelg yellā poore, a yeela a Moyiiz woto: “A Zelofehaad kom-pugli wā tara buum. Bi f kō bāmb zīg b ba wā ba-biisā suk ti b sooge. Bi f rik zīg ning b ba wā sēn da na n paamā n kō bāmba.” La pa rē bal ye. A Zeova kōo noor a to n yeel woto: “Ned sā n ki n ka paam bi-ribla, bi b rik a zīgā n kō a bi-pugla.” (Sōd. 27:6-8; Zoz. 17:1-6) Rē tēka, Israyell ned sā n ki n pa paam bi-ribla, b rikda a rogem-puura n kō a bi-pugla.

w13 6/1 12 s. 15

Yāmb mi a Zeova zug-sōma wā fāa bi?

¹⁵ A Zeova sēn welg yellā to-to wā wilgdame t’a sud pa bakd ned n sōng ye. A Zelofehaad kom-pugli wā ra pa tar ned sēn na n sōng-b ye. La a Zeova welga b zu-loεεgā wa a sēn da mi n welgd Israyell neb a taabā zu-loeesā. A sēn maan woto wā, a waoog-b lame. (Yul 68:6) Kibay a taab bee Biiblā pugē n wilgdē t’a Zeova pa tūusd neb ye.—1 Sām. 16:1-13; Tuu. 10:30-35, 44-48.

w13 6/1 12 s. 16

Yāmb mi a Zeova zug-sōma wā fāa bi?

¹⁶ Wān to la d tōe n dik a Zeova togs-n-taare,

n pa bakd ned n sōngdē? Tēeg-y ti y sā n dat n maand nebā buud fāa neere, y segd n deng n kisa sid ti ned buud fāa segda ne rē. Tōe ti y tagsdame ti y pa tūusd neb ye. La tēeg-y ti moos maana b kibar ti “baag pa wumd a zugē yūug ye.” Woto wā, wān to la y tōe n bāng y sā n sid pa tūusd neba? Y tōe n maana wa a Zeezi. Daar a ye, a sēn wa n dat n bāng nebā sēn yet būmb ning yē zugā, a soka a zo-rāmbā woto: “Nebā yetame ti mam sēn yaa Ninsaal Biigā yaa ānda?” (Mat. 16:13, 14) Yāmb me tōe n baoa y zoa y sēn mi t’a na n pelga a pug ne-yā, n sok woto: ‘Fo tagsdame ti mam maanda neb buud fāa neer bi, bi m bakda nebā n sōngdē?’ Tōe t’a yeel ti wakat ninga, y mi n tara manesem ti yaa wa y geta ned yīng kōbgo, a tare wall a sēn karem n tek zīg ningā. A sā n yeel-y woto, bōe la y segd n maane? Puus-y-yā a Zeova, n kos-a t’a sōng-y ti y toeeme, n tōog n maneg n dik a togs-n-taare.—Mat. 7:7; Kol. 3:10, 11.

D bugs Wēnnaam Gomdā zug neere:

it-2 850 s. a 1

Maando

Divē b sēn kiigd maoong zugu. B sā n da na n maan maoongo, b ra wae n paasda divē, sēn yud fāa, Israyell nebā sēn kē kāabg tēngē wā poore. (Sōd. 15:2, 5, 8-10) Ra yaa divē (bi rāam buud a to) b sēn da pudgd tēn-kugrā zugu. (Sōd. 28:7, 14; Yik. 30:9; Sōd. 15:10) Tum-tumd a Poll gulsa Filip kiris-nebā n yeel yaa: “B sā n pudgda maam wa divē b sēn kō ti b kiig maoong zug mam sēn teend tuumd ning sēn yaa sōngā yīnga, mam sūur nooma wusgo.” A rika makr ne divē b sēn kiigd maoong zugā, n na n wilg a sēn sak ne yamleoog n mongd a meng būmb toor-toor a tēed-n-taasā yīngā. (Fili. 2:17) A kūmā ket ti bilfu, a gulsa a Tumote n yeele: “B zoe n

podgda maam wa divē b sēn daagd tēn-kugr zugu, la wakat ning mam sēn na n paam m mengā kolgame.”—2 Tīm. 4:6.

SIG-NOY RASEM 10-16

D SĒN BĀNG BIIBLĀ KARENG PUGĒ | SŌDBO 30-31

“Pids-y y sēn pulem būmb ninsā”

it-2 1164

Polenga

Puleng yaa ne yamleoogo, la f sā n pulme yaa tūl tū f pidsi. B ra maanda puleng ne yamleoogo. La sā n yaa ne Wēnnaam Tōogā, ned sā n da maan pulenga, yaa tūl t’a pids-a. Rē n so tū ned sā n da pulem būmb bī b yetē t’a wēename, la t’a segd n pidsame. A sā n da pa maan woto, tōe n tūu ne a yōore. (Sōd. 30:2; ges-y Rom. 1:31, 32 me.) Sēn mik tū yaa yōor yellā, pa lingr la Biiblā sēn sagend tōnd tū d segd n tagsame n yaool n pulem būmbu, rat n yeel tū d reng n tags pulengā sēn baood tū d maan būmb ningā. Tōogā yetame: “Fo sā n pulem Sēn-Ka-Saab sēn yaa yāmb Wēnnaamā, bī f ra kaoos n dol f pulemdā ye. Bala, Sēn-Ka-Saab sēn yaa yāmb Wēnnaamā na n ninga foom taal tū lebgo fo yel-wēnde. Fo sā n ka pulme, kongr ka be f zug ye.”—Tōo. 23:22, 23.

it-2 1164

Polenga

Yaa f sēn na n pulem Wēnnaam tū f na n maana būmbu, tū f na n kōo kūuni, tū f na n tuma tuumde, wall tū f na n zāaga f meng ne būmb Tōogā sēn pa gidge. Ra yaa ned n yākd yam a toor n maan pulenga. Puleng ne wēeneg pāng ra zema taaba. Biiblā pugē, b wae n naagda gom-biis a yiibā taaba. (Sōd. 30:2; Mat. 5:33) “Puleng” pa f sēn na n togs būmb f sēn dat n maan bal ye. Yūda rē. Wēeneg yaa f sēn na n kos ned naam

sēn yūd foo t’a kō kaset tū f sēn togsā yaa sīda, wall tū yaa tūl tū f pids f gomdā. Naoor wusgo, b sā n na n maan kaoola, b wēendame.—Sing. 26:28; 31:44, 53.

w04 8/1 32 s. a 2

Sōdb sebrā tags-kāsemse

30:6-8—Kiris-ned tōe n viiga puleng a pag sēn pulem bī? Rūndā-rūndā, ned kam fāa puleng paka yē ne a Zeova bala. Wala makre, rik f meng n kō a Zeova wā yaa puleng ned kam fāa sēn pulemd a meng yīnga. (Galat dāmba 6:5) Sīd pa tar sor n na n gidg bī n viig puleng kāng ye. Baasg zānga, pag segd n gūusame n da pulem būmb sēn kūsud Wēnnaam Gomdā bī sēn pa zemsd ne zūb ning a sēn tar a sūdā taoorā ye.

D bugs Wēnnaam Gomdā zug neere:

it-2 1203 s. a 4

A Zefte

B ra tōe n dīka ned n kō a Zeova t’a na n tum sek-roogē wā. Roagdbā ra tara sor n na n maan woto ne b biiga. A Sāmwell yū ned a woto buudu. Sēn deng a Sāmwell rogmā, a ma a Ann pulmame t’a Sāmwell na n tū tuma sek-roogē wā. A Ann sūd a Elkana saka pulen-kānga. A Sāmwell sēn sigā bala, a Ann tall-a lame n tū kō sek-roogē wā. A zāa rūng me n tū kō tū b maan maoongo. (1 Sām. 1:11, 22-28; 2:11) A Sāmsō me yū biig b sēn kō Wēnnaam t’a na n yū Nazireyē n tum Wēnnaam tuumā.—Bū. 13:2-5, 11-14; ges-y Sōd. 30:3-5, 16 tū y na n yāa ba sēn da tar noor ning a bi-pugl zugā.

SIG-NOY RASEM 17-23

D SĒN BĀNG BIIBLĀ KARENG PUGĒ | SŌDBO 32-33

“Bī y rig tēngā neb fāa”

w10 1/8 23

Yāmb ra miime bɪ?

“Tēn-kug” bɪ zī-zānts nins yell b sēn wae n gomd Biiblā babg ning b sēn da guls ne Ebre wā yaa bōe?

Nand tɪ Israyell nebā kē kāabg tēngē wā, a Zeova yeel-b lame tɪ b sāam zīis nins fāa Kanaā nebā sēn waoogd b wēnnaam-dāmbā. A yeelame: “Bɪ y . . . sāam b wēn-naands nins bāmb sēn pees ne kuga, wall sēn kud ne kutā, la y sāam b tēn-kugā.” (Söd. 33:52) Zīis nins b sēn da waoogd b wēn-faadā tōe n yaa kunkub sēn be zī-vuudē, wall zī-zānts b sēn maan zīis a taab wala tɪs tēngr bɪ tēns pusē. (1 Rīm. 14:23; 2 Rīm. 17:29; Eze. 6:3) Tēn-kuga, kug wall ra-lugs b sēn lug n puusdē, bōn-naandse, wisd tēn-kuga, la būmb a taab b sēn tar n puusdē n da be zī-kāense.

w08 15/2 27 s. a 5-6

Rɪk-y yam Israyell nebā kongr toor-toorā pugē

Ründā-ründā, tōnd paamda zu-loees sēn wōnd zu-loees nins Israyell nebā sēn da paamdā. Ründā-ründā, bōn-naands buud n be. Tōe n yaa ligdā, reem-dēemdb yuy sēn yɪ, espoorā gāndaado, politikā nin-beda, tūdum taoor dāmb kēere, la baa neb kēer zags rāmba. Tōe n wa lebga bōn-kāensā n pak tōnd n yuda. D sā n baood neb nins sēn pa nong a Zeova wā zoodo, tōe n sāama tōnd ne a Zeova zoodā.

Yoobā sēn da naag būmb nins b sēn da maand n waoogd a Baallā yamleoog wa n yōka Israyell neb wusgo. Wēnnaam nin-buiidā suka, neb wusg ket n luita bēd-kāngā pugē. Wala makre, nina tōe n paa a zakē n widg a ordinatēere, tɪ nif-na-yārā, wall a sēn pa gūus yīng kut t’a kē zīg n ges būmb t’a sūur-kasetā ningd-a taale. Kiris-ned sā n kē ēnternetē wā n bas tɪ yoob yel gesg yamleoog kē-a, yaa kaeto!

it-1 392 s. a 4

Kanaā

Ne yam, a Zozuwe “ka bas būmb ning Sēn-Ka-Saab sēn wilg a Moyiisā tɪ vaal ye.” A maana woto, n sāam Kanaā nebā. (Zoz. 11:15) La Israyell buudā neb pa tū a mak-sōngā, n yīs būmb ning fāa sēn dēgemd soolmā ye. Israyell nebā sēn bas tɪ Kanaā neb kell n zīnd b sukā kitame tɪ bāmb mensā rēgme. Sāmbg kae tɪ kaoosg zugē, rē yu sabab tɪ b wusg ki (tɪ b pa gomd nin-kuurā, yoobā la bōn-naands puusgā ye). Sēn ki-bā sōor yuda neb nins sēn da na n ki wā sōore, b sā n da tū noor ning b sēn kō-b n yeel tɪ b sāam Kanaā nebā. (Söd. 33:55, 56; Bu. 2:1-3, 11-23; Yun. 106:34-43) A Zeova ra yeela Israyell nebā tɪ yē buudā kaoob yaa turga, la t’a pa bakd ned n sōng ye. A paasame tɪ Israyell nebā sā n da yōg zood ne Kanaā nebā, n kē kāadem ne-ba, n tūud yē la b tūud Kanaā nebā wēnnaam-dāmba, n maan b tūudmā yela, n dɪk b minundā sēn yaa wēnsā, būmb ning sēn paam Kanaā nebā na n paama bāmb me, tɪ sāmbg kae ye. Na n kitame tɪ soolmā ‘zāgs-ba.’—Yik. 23:32, 33; 34:12-17; Maan. 18:26-30; Tōo. 7:2-5, 25, 26.

D bugs Wēnnaam Gomdā zug neere:

it-1 933 s. a 6

Toadga

B sēn maan poeer n bāng buud fāa sēn segd n zīndē wā poore, b ra segd n tika būmb a to n bāng buud fāa zīg yalem sēn tog n yɪ to-to: Yaa buud fāa neb sōor la b ra geta. “Yāmb segd n maana poeer n puɪ soolmā n kō y buud toor-toorā. Buud neb sā n yaa wusgo, b puurā segd n yu bedre. La buud neb sā n pa waoogē, b puurā segd n yu bilfu. Ned kam fāa puur na n yu zīg ning a poeerā sēn lɪ wā.” (Söd. 33:54) Poeerā sēn wilg buud fāa sēn segd n zīndē wā ra pa segd n toeeme, la b ra tōe n paasame, wall b boog zīgā yalem.

Rě n so ti b sēn wa n mik ti Zida zīīgā yaa yaleng wusgā, b boog a yalmā, n yāk n kō Sumeyō buudā nebā.—Zoz. 19:9.

SIG-NOY RASEM 24-30

D SĒN BĀNG BIIBLĀ KARENG PUGĒ | SÖDBO 34-36

“Bao-y soondg zīīg a Zeova nengē”

w17.11 9 s. a 4

Yāmb baooda soondg zīīg a Zeova nengē bi?

⁴ La Israyell ned sā n da yāk a to yōor ne yīdgu? Baa ne a sēn pa maan pu-toogā, a tara taale, bala yaa ned yōor la a sēn yākā. (Sing. 9:5) La a Zeova nimbāan-zoeerā yīnga, a ra kitame ti b yāk soondg tēns a yooobe, ti nin-kuud tōe n zoe n kēng be ti sēn tog n dok-a kiidā sūurā ra paam-a ye. A sā n ta soondg tēngē, a tōe n paama koglgo. La yaa tūle t’a pa be n tāag maan-kuudb kāsma kūum.—Söd. 35:15, 28.

w17.11 9 s. a 6

Yāmb baooda soondg zīīg a Zeova nengē bi?

⁶ Israyell ned sā n da yāk a to yōor ne yīdgu, a segd n zoe n kēnga soondg tēngē. A sā n ta, a rengd n ‘togsā a yellā tēngā kāsēm-dāmbā’ sēn be tēngā noorā. Kāsēm-dāmbā reegd-a lame, n bao zīīg n kō-a tēngā pugē. (Zoz. 20:4) Sā n kaoos bilfu, kāsēm-dāmbā wat n kitame t’a leb tēng ningē yellā sēn maanā, ti be kāsēm-dāmbā bu yellā. **(Karm-y Södb 35:24, 25.)** Kāsēm-dāmbā sā n bu, n yeel ti sēn ku-a a to wā pa maan pu-toogo, ti yu ne yīdgu, b segd n kitame t’a leb soondg tēngē wā.

w17.11 11 s. 13

Yāmb baooda soondg zīīg a Zeova nengē bi?

¹³ Sēn ku-a a to wā sā n paam n ta soondg tēngē wā, a pōsame. A Zeova ra yeela Israyell nebā ti soondg tēnsā yaa tēns b sēn tōe n “ti kē n soonde.” (Zoz. 20:2, 3) A Zeova ra pa kō noor ti b bu sēn ku-a to wā n ylem ye. A pa kō sor me ti ned ning sēn tog n dok kiidā sūurā tōe n kē soondg tēngē wā n ku-a ye. Sēn ku-a a to wā sā n be soondg tēngē wā, a pa le yēesd b na n wa maan-a būmb ye. A vu bāane, ti rabeem kae, bala a paamda a Zeova koglgo. A tara lohorem n tōe n maan a sēn dat tēngā pugē. Pa wa ned sēn be *bāens roog* ye. A tōe n tuma a tuuma, n sōng a taabā, la a tūud a Zeova ti yell kae ye. Hakuka, a tōeeme t’a vumā tall barka!

D bugs Wēnnaam Gomdā zug neere:

w91 15/2 13 s. 13

A yao yaood ning sēn da segd n yao n fāag ninsaalbā fāa ne yel-wēndā

¹³ La a Ādem ne a Awa pa na n dī a Zeezi maoongā nafa ye. A Moyiiz Tōogā pugē, b yeelame: “Yāmb ka tog n deeg yaoodo, n bas nin-kuud sēn zems kūum t’a vumd ye.” (Södbo 35:31) B pa belg a Ādem ye. Rēnd yaa yē mengā n yāk yam maan yel-wēndā. (1 Timote 2:14) Yaa wa a sēn ku a kambā ne a yagensā, bala b lebga neb sēn pa zems zānga, n segd ne kūum. Vēenega, a Ādem segda ne kūum, bala a sēn da yaa ned sēn zems zāngā, a yāka yam n kus Wēnnaam noorā. A Zeova sā n bas t’a Ādem dī a Zeezi maoongā yōodo, pa zems ne a noyā sēn yaa tursā ye. La b sēn yao a Ādem yel-wēndā yaoodā, kitame t’a kambā la a yagensā tōe n wa pōs kūumā! (Rom dāmbā 5:16) Sēn zems ne Wēnnaam noyā sēn yaa tursā, b sāama yel-wēndā pāng a yēgrē wā. Sēn yao-a yaoodā “lemba kūum ned buud fāa yīnga,” n zit yel-wēnā sēn wat ne būmb ninsā a Ādem kambā fāa yīnga.—Ebre-rāmbā 2:9; 2 Korēnt rāmbā 5:21; 1 Plyēer 2:24.

SIG-NOY RASEM 31–SIGRI RASEM A 6

D SĔN BĀNG BIIBLĀ KARENG PUGĔ | TŌODO 1-2

‘Yaa Wĕnnaam n so buvdā’

w96 15/3 23 s. a 1

A Zeova nonga sĕn zemse, la tɯlem

Ned sĕ n maan yel-wĕn-kāsenga, yaa tɯlɯ tɯ tigingā kāsēm-dāmbā kao a buudo. (1 Korĕnt rāmbā 5:12, 13) B sĕ n wa maand woto, b tĕegdame tɯ Wĕnnaam sĕn yaa tɯlem soabā ratame tɯ b kum a soabā nimbāanega, sĕ n mik tɯ bŭmb be b sĕn tōe n tik n maan dĕ. Bŭmb sĕ n kae b sĕn tōe n tik n kum-a, b pa tōe n zoe a nimbāaneg ye. Wala makre, yel-wĕn-maandā sĕ n pa rat n tek yam n kos sugri. La kāsēm-dāmbā pa segd n yiis yel-wĕn-maand tigingā pugĕ, b sŭur sĕn yik ne-a yĭng ye. B saagdame tɯ b sĕn yiis-a wā na n kitame t’a toeem yam. (Ges-y Ezekiyell 18:23.) Kiristā wilgda kāsēm-dāmbā sore, tɯ b tumd sĕn na yɯl tɯ tɯlem zĭndi. Woto baoodame me tɯ b yɯl “wa zĭ-lilldg sobg wakate.” (Ezayi 32:1, 2) Rĕnd b pa segd n bak ned n sŏng ye. B segdame me n yɯl wumdba. —Tōodo 1:16, 17.

w02 8/1 22 s. a 4

Sak-y Wĕnnaam zu-sobendā wakat fāa

⁴La pa f sĕn na n tar tōogā minim bal la f tōe n yɯ bu-kaood ye. Kāsēm dāmbā sĕn pa zems zāngā yĭnga, b segd n gŭusame n da bas tɯ bāmb mensā manesem sĕn pa zems wala rat-m-yembre, bak-n-sŏng la rat-tɯ-loog wa kit tɯ b kao buvdā kegr ye. A Moyiiz yeel-b lame: ‘Mam yeela bāmb tɯ b sĕ n kaood buudo, bɯ b ra tŭus neb ye. Bɯ y kelg nin-bŏoneg wa nin-bĕda. *Tɯ bŏe, yaa Wĕnnaam n so buudo.*’ N-ye, Israell bu-kaoodbā ra kaooda buvdā Wĕnnaam

yĭnga. Ad woto sɯd ra yaa zu-noog sĕn pa reem yelle!—Tōodo 1:16, 17.

D bugs Wĕnnaam Gomdā zug neere:

w13 9/1 9 s. a 9

A Zeova tōogā zemsa zānga

⁹Israyell nebā yeeba “we-raoogā sĕn sek yĕsgā” pugĕ yuum 40. La b sĕn wa n na n sungā, a Zeova pa reng n togs-b a sĕn na n kogl-b to-to, n ges b yelle, bɯ a sĕn na n wilg-b sor to-to ye. La a maana bŭmb wusg n wilg tɯ b sĕ n teeg-a la b sak a noyā, na n naf-b lame. A kitame tɯ sawad-taok wilgd Israyell nebā sor wĭntoogo, tɯ yung sĕ n ta bɯ a lebg bugum n kŏt-b vĕenem. A maana woto sĕn na yɯl tɯ b bāng tɯ we-raoogā puga, a bee ne-b wakat fāa. (Tōo. 1:19; Yik. 40:36-38) A gesame tɯ b paam bŭmb nins fāa sĕn yaa tɯlae ne-bā, “tɯ bŭmb ka paoog-b ye. Bāmb futā ka ki ye, la b nao wā ka mod ye.”—Nee. 9:19-21.

SIGRI RASEM A 7-13

D SĔN BĀNG BIIBLĀ KARENG PUGĔ | TŌODO 3-4

“A Zeova noyā yaa tɯrse, la b kŏt yam”

it-2 1199 s. a 2

Bāngre

Ned sĕ n zāmsd Wĕnnaam Gomdā sŏma la a tŭud a noyā, tōe n kitame t’a wumɯ yelā vŏor sŏma n yɯd a karen-saam-dāmba, la kit t’a paam bāngr n yug nin-kĕemba. (Yun. 119:99, 100, 130; ges-y Luk 2:46, 47.) Bala yaa Wĕnnaam noyā la a saglsā pusĕ la ned tōe n paam yam la bāngre. Rĕ n so tɯ Israyell nebā sĕ n da sak Wĕnnaam noyā la a saglsā, tĕn-yagsā ra na n getame tɯ b “yaa neb sĕn sɯd tar yam la bāngre.” (Tōo. 4:5-8; Yun. 111:7, 8, 10; ges-y 1 Rĭm. 2:3.) Ned sĕn tar bāngr sak n deegame

t'a pa segd n kius Wënnaam Gomdā ye. A ratame t'a sēn vi to-to wā zems ne Wënnaam Gomdā sēn yetā, n puusd Wënnaam n kot-a sōngr zī-kāng wēngē. (Ylun. 119:169) A basdame ti Wënnaam goamā kēed-a sōma (Mat. 13:19-23), n gulsd-b a sūurē wā (Yel. 3:3-6; 7:1-4), la a modgd sēn na yl n kisdg “zīrē buud fāa.” (Ylun. 119:104) Wënnaam Biigā sēn wa n be tēngā zugā, a maana woto n wilg t'a tara bāngre, hal n sak n ki ra-lukā zugu, bala ra yaa tilē t'a kūmā yl woto sēn na yl ti Guls-g-sōamyā sēn yetā pidsi.—Mat. 26:51-54.

it-2 799 s. a 6

Arzēgsā

Rīm a Salomo kibarā yaa kaset sēn wilgd ti Israyell yuurā sēn da yi wā kitame ti buud a taab neb pēg a Zeova. A naamā sungrē, a Zeova sēn wa n kō-a weer t'a kos-a būmb ning fāa a sēn datā, a pa kos t'a kō-a arzēgs ye. A kosa a Zeova yam la bāngre, sēn na yl n tōog ges nin-buiidā yelle. A Zeova leoka a Salomo kosgā. Sēn paase, a kō-a-la “arzēgs ne paoong la waoogre.” (2 Kib. 1:7-12; 9:22-27) A Salomo yamā la a arzekā kibarā kitame ti nebā ra gomd a Zeova yelle. Wala makre, Saba rīm-poakā sēn wom būmb nins a Zeova sēn maan n kō a Salomo wā, a yii zī-zārg n wa n na n ges b sēn yet būmb ning a Salomo yamā la arzekā wēngē wā sā n yaa sūda. (1 Rīm. 10:1, 2) A sēn yā būmb ningā kitame t'a sak n deeg t'a Zeova nonga Israyell nebā. A yeelame yaa: “Mik mam sēn dag n bee m tēngē wā n wumd b sēn gomd yāmb yellā, ne y yamā yellā sūd yaa sūda! Sā n ka mam sēn wa ti m ninā yāndā, mam dag n ka sak n deeg ti yaa sūd ye. Mam sēn dag n wumdā ka ta mam sēn yā wā pu-suk meng ye. Yāmb yamā ne y arzēgsā yūda mam sēn dag n wom ti b gomd to-to wā. Neb nins sēn be ne yāmbā, ne neb nins sēn tumd ne yāmb daar fāa wā

yaa zu-nood-rāmba. Bala, bāmb bee ne yāmb n wumd yāmb yam goamā wakat faa! Bī Sēn-Ka-Saab sēn yaa yāmb Wënnaamā paam pēgre, bala, taa bāmb yam ti b yā yāmb n kit ti y yl Israyell rīmā! Yaa Sēn-Ka-Saab sēn nong Israyell nebā wakat fāa yīngā n kit ti bāmb yā yāmb ti y yl rīmā, n kaood buudā ne sūda, la ne tūrem. Rē poore, Seba tēng rīm-poakā kōo rīm a Salmo sānem kilo tus a naas la kobessi, ne parfe-rāmb wusg sēn tar yū-noog wusgo, la kug-sōama. Ned ka tol n leb n wa ne parfe-rāmb wusg sēn tar yū-noog a woto wa Seba tēng rīm-poakā sēn wa n kō rīm a Salmo wā ye.”—1 Rīm. 10:6-10.

w07 8/1 31 s. 13

Yāmb yaa arzēgs rāmb Wënnaam nifē bī?

¹³Wakat fāa, a Zeova sā n na n ning a nin-buiidā barka, sūd yaa bark tekē. (Zak 1:17) Wala makre, a Zeova sēn wa n na n kō Israyell nebā tēng ti b zīndā, a kō-b-la “tēng sēn tar bīisim ne sūd wusgo.” Baa ne b sēn bilgd ti Ezipt me ra yaa woto wā, būmb a ye n kit ti tēng ning a Zeova sēn da kō Israyell nebā ra yaa toor fast. A Moyiiz yeela nin-buiidā ti ‘yaa tēng Zu-soab a Wënnaam sēn get a yelle.’ A ra rat n yeelame ti b sēn maand fāa na n talla barka, a Zeova sēn na n ges b yellā yīngā. Nin-buiidā sā n da sakd a Zeova, a ningd-b-la bark wusg hal ti tēn-yagsā neb neē ti b sūd yaa sōma n yūd bāmba. Woto wilgda vēeneg ti yaa a Zeova bark n sūd kōt ned arzekā!—Sōdbo 16:13; Tōodo 4:5-8; 11:8-15.

D bugs Wënnaam Gomdā zug neere:

w04 10/1 9 s. a 3

Tōod sebrā tags-kāsemse

4:15-20, 23, 24—B sēn gidg ti b ra pees bōn-naandsā rat n yeelame ti b pa segd n maan bōn-naandg n nags zīg bī? Ayo. Zī-kāensā, būmb ning b sēn gidgā yaa maan

bõn-naands n tarē n balemdē wā, sēn dat n yeel ti ‘wōgemd b taoor n waoog-bā’ bala. Gulsg Sōamyā pa gidg ti b ra pees wall b gul bõn-naand sebr bi peend zug n tall n nags zīis ye.—1 Rīm dāmba 7:18, 25.

SIGRI RASEM 14-20

D SĒN BĀNG BIIBLĀ KARENG PUGĒ | TÕODO 5-6

“Sōng-y y kambā ti b wa nong a Zeova”

w05 7/1 14 s. 11

Roagdba, ges-y y zakā neb yelle

¹¹ Rē wængē wā, tõe ti b pa lebg n togs Gulsg Sōamyā verse a to n yūd Tõodo 6:5-7 ye. D bōos ti y lak y Biiblā ti d karem verse kēensā. Ges-y ti b yeta roagdbā ti b reng n paas b mensā tēeb ne Wēnnaam, ti b paas b nonglmā ne a Zeova la b sak a goamā ne b sūyā fāa. N-ye, y segd n yu ned sēn zāmsd Wēnnaam Gomdā neere, n karemd Biiblā la y bugsd a zugu, sēn na yul n sūd bāng a Zeova soyā, a noyā la a tōodā sōma la y nong-ba. Rē na n kitame ti y nong sūd nins sēn be Biiblā pugē n be yamleoog wusgā, la rē na n kō-y-la sū-noog wusgo, waoogr kāseng la nonglem ne a Zeova. Y na n paama bõn-sōma wusg n taas y kambā.—Luk 6:45.

w07 15/5 15-16

Wān to la m tõe n wub m kambā sōma?

Pa yāmb no-goamā bal n wilgd būmb nins yāmb sēn date, būmb nins sēn tar yōod y nifē, la y sēn nongā ye. Būmb nins y sēn maandā me wilgda rē. (Rom dāmbā 2:21, 22) Hal b yāadmē, kambā maagda b mens n get b roagdbā n bāngd būmb toor-toore. Kambā nee būmb nins sēn tar yōod b roagdbā nifē wā. Naoor wusgo, wat n yaa bõn-kāens me n tar yōod b nifē. Yāmb sā n sūd nong a Zeova, yāmb kambā na n bānga rē. Wala makre, b na n yāame ti Biiblā kareng la a zāmsg

tara yōod ne yāmba. B na n wa bāngame ti yaa Wēnnaam Rīungā la y rengd n baoodē. (Matiye 6:33) Yāmb sēn kēnd tigissā la y moond Rīungā koe-noogā n pa vaandē wā na n wilg-b lame t’a Zeova tuumā n yaa būmb ning sēn pak yāmb n yūdā.—Matiye 28:19, 20; Ebre-rāmbā 10:24, 25.

w05 7/1 15 s. 14

Roagdba, ges-y y zakā neb yelle

¹⁴ Wala Tõodo 6:7 sēn wilgdā, segb wusg la yāmb sēn yaa roagdbā tõe n tūnug ne n sōs ne y kambā tēebā yel zutu. Y togda sor ne taaba, ti y tumda ne taab bi y kokda pemsem ne taab me, y tõe n paama soay n pids y kambā tēeb ratem. Yaa sūda, y pa segd n zāmsd y kambā sūd nins sēn be Biiblā pugē wā n pa satē ye. La y na n modgame n kit ti zakā pugē sōssā yū sōma la b keng zakā neb tēebo. Wala makre, *Réveillez-vous !* wā tara sōss wusg yel toey-toey zutu. Sōs-kāensā tõe n paka sor ti y paam n sōs rūmsā a Zeova sēn naanā, zī-neeb sēn be dūniyā gill zugu, la buud toey-toey neb vum zutu. Sōs-kāens tõe n kitame ti kambā bao n karem seb nins tum-tumd sēn tūud sūd la sēn tar yamā sēn kōtā n paase.—Matiye 24:45-47.

D bugs Wēnnaam Gomdā zug neere:

w19.02 22 s. 11

Wān to la a Moyiiz tōogā wilgd t’a Zeova yaa nonglem la turlem soaba?

¹¹ **D sēn bāngā:** A Zeova pa get nina sēn ne wā bal ye. A geta ned sēn sūd yaa a soab a sūurē wā. (1 Sām. 16:7) Ned pa tõe n solg a Zeova a tagsa bi a tulsem wall a tuum-tumdi ye. A Zeova sēn get n yūdā yaa tōnd zug-sōma wā, n dat ti d mao n bus zug-kāense. La a ratame me ti d bao n bāng būmb nins sēn tõe n wa ne tuls-wēns d sūurē wā, la d mao n tōog-ba, ti ra wa kit ti d maan sēn yaa wēng ye.—2 Kib. 16:9; Mat. 5:27-30.

SIGRI RASEM 21-27

D SĒN BĀNG BIIBLĀ KARENG PUGĒ | TÓODO 7-8

“Ra maan yi-kāadem ne bu-bāmb ye”

w12 1/7 29 s. a 2

Bōe yīng tī Wēnnaam dat tī ned sēn tūud yē kē kāadem ne a tēed-n-taag bala?

Sēn paase, a Zeova miime t’a Sūtāan sēn dat yaa a kit t’a nin-buiidā bas yē n tū wēn-faado, n dēgem b mense. Rē n so tī Wēnnaam keog-b tī sēn pa tēed-b yē wā ‘na n kitame tī b kambā bas yē n tī tū wēnnaam-dāmb a taaba.’ Tōe n waa ne yel wusgo. Israyell nebā sā n waoog wēnnaam-dāmb a taaba, b pa na n le tat Wēnnaam yam t’a kogend-b ye. Woto na n kitame tī lebg nana tī b bēebā tōog-ba. Sā n yī woto, Mesi wā Wēnnaam sēn da pulmā na n yū wān n dog Israyell buudā pugē? Vēenega, pa zaalem la a Sūtāan sēn da belgd Israyell neb n dat tī b kē kāadem ne bu-zēmsā ye.

w15 15/3 30-31

Kē kāadem “Zu-soabā pugē balā” yaa būmb sēn ket n tōe bī?

Baasgo, a Zeova wilga a Gomdā pugē, tī d segd n kēe kāadem Zu-soabā pugē bala. Bōe yīnga? Bala a mii būmb ning sēn yaa sōma ne a nin-buiidā. A rat n kogla a nin-buiidā ne zu-loees nins b sēn tōe n paame, b sā n dik so-wēnga. A ratame me tī b paam sū-noogo. A Neemi wakatē wā, Zūf-rāmb wusg sēn da kēed kāadem ne bu-zēms neb sēn pa tūud a Zeova wā, a Neemi tēeg-b-la a Salomo mak-wēngā yelle. Baa Wēnnaam sēn da nong a Salomo wā, “pug-sāamsā n tus yēnda t’a lū yel-wēnd puga.” (Nee. 13:23-26) Rēnd Wēnnaam sēn wilg tī d segd n kēe kāadem ne kiris-neb hakuk balā yaa tōnd neer yīnga. (Yūn. 19:7-10; Eza. 48:17, 18)

Kiris-neb hakukā sūy nooma ne a Zeova sēn get b yell to-to wā. B teeg-a lame t’a wilgd-b sore. B sēn sakd-a a sēn yaa Naabā yīnga, b wilgdame tī b sak n deegame t’a yaa yīngr la tēng fāa Soaala.—Yel. 1:5

w15 8/1 26 s. 12

Gūus-y tūud-n-taarā wēngē tī yaa yaoolem wakate

¹²Yaa kiris-neb nins sēn dat n kē kāadmā n segd n maan gūusg tūud-n-taarā wēngē n yūda. Wēnnaam Gomdā yeela woto: “Bī y da paam lagem-n-taar ne neb nins sēn ka Kiris tēedbā ye. Bala, bōe lagem-n-taar n be turlem ne wēng soka? Wall bōe lagem-n-taar n be vēenem ne lik soka?” (2 Kor. 6:14) Biiblā yeelame me tī ned sēn tūud Wēnnaam sā n dat n kē kāadem, a segd n baoo “ned sēn tūud Zu-soabā bala,” rat n yeel tī ned sēn dik a meng n kō Wēnnaam n deeg lisg n tūud a noyā. (1 Kor. 7:39, *Wēnnaam Sebre*, 1983) Y sā n kē kāadem ne ned a woto, y paama ned sēn na n sōng-y tī y kell n sak a Zeova ne y sūr fāa.

D bugs Wēnnaam Gomdā zug neere:

w04 2/1 23 s. a 4

A Zeova kōt-d-la būmb nins sēn yaa tulae ne-dā daar fāa

⁴D sēn puusd n kot d noorā rub daar fāa wā me segd n tēeg-d lame tī d rata tēebā rub daar fāa. Baa ne a Zeezi sēn da loe noor n kaoos tī kom da tar-a wā, a Sūtāan sēn mak-a n yeel-a t’a kit tī kugā lebg burā, a yeelame: “A gulsame: ‘Ninsaal ka na n vī ne rub bal ye, la yaa ne goam nins sēn yit Wēnnaam noorē wā.’” (Matiye 4:4) A Zeezi lebs n dika no-rēes a Moyiiz sēn da togs Israyell nebā būmb ningā n yeele: “Zusoaba kitame tī y lebg nimbāan dāmba la b bas tī kom nams yāmba n yaool n kō yāmb mann yāmb ne y yaab rāmba sēn da ka mi, sēn na

n yulga ti y bāng ti ninsaal ka na n vi ne rub bal ye, la b tog n vunda ne goam nins sēn yit Zusoaba noorē wā.” (Tōodo 8:3) A Zeova sēn kō Israyell nebā mannā ne manesem ningā, a rulg-b lame la a zāms-b yel kēer tēebā wēngē me. Būmb a yembr a sēn zāms-b ne rē yaa ti nebā ra segd n ‘wuka sēn sekd daar a yembr dub’ bala. B sā n da wok ti yug rē, kellā pōogdame n kē zūnzūyā. (Yikri 16:4, 20) La rasem a yoob raarā b sēn da segd n wok rasem a yīb rēnd sēn na yul n dū kellā vuosg raarā, kel-kāng ra pa pōogd ye. (Yikri 16:5, 23, 24) Woto, mannā ra kitame ti b gād b yamē wā ti b segd n yul sakdba, la ti b vumā pa ti loe ne rub bal ye, la yaa ne “goam nins sēn yit Zusoaba noorē wā.”

SIGRI RASEM 28–SĒOOGO RASEM A 4

D SĒN BĀNG BIIBLĀ KARENG PUGĒ | TŌODO 9-10

“Bōe la a Zeova rat ti y maane?”

w09 1/10 10 s. a 3-4

Bōe la a Zeova rat ti tōnd maane?

Bōe n tōe n kit ti d sakd Wēnnaam ne yamleoogo? A Moyiiz wilga būmb a yembr n yeele: “Zoe-y Sēn-Ka-Saab sēn yaa yāmb Wēnnaamā.” (Tōo. 10:12) Pa rat n yeel ti d segd n zoe-a-la a sēn na n wa subg-d yīng ye. D segd n zoe-a-la d sēn waoogd-a yīnga, la d sēn nand a noyā yīnga. D sā n waoogd Wēnnaam ne d sūy fāa, d pa na n dat n sām a sūur ye.

La sēn yud fāa, bōe n segd n kit ti d sakd Wēnnaam? A Moyiiz yeelame: “Nong-y bāmba, n sak Sēn-Ka-Saab sēn yaa yāmb Wēnnaamā ne y sūyā fāa la ne y yamā fāa.” (Tōo. 10:12) Nong Wēnnaamā pa sūurē bal ye. Sebr a yembr pugē, b yeelame ti Ebre wā pugē, b sā n wa gomd nonglem yelle, tōe yaa

tuom nins nonglmā sēn kitd ti d tumdē wā me. Sebrā paasame ti “nong Wēnnaam” rat n yeelame ti *f tum tuom* sēn wilgd ti f nong-a lame. Woto rat n yeelame ti d sā n sid nong Wēnnaam, d na n maanda būmb nins d sēn mi ti noom-a lame wā.—Yel-būnā 27:11.

w09 1/10 10 s. a 6

Bōe la a Zeova rat ti tōnd maane?

D sēn sakd Wēnnaam ne yamleoogā na n kitame ti d paam bark toor-toore. A Moyiiz yeelame: “Sak-y bāmb noyā . . . mam sēn kō yāmb dūndā wā n paam sū-noogo.” (Verse 13) A Zeova noyā fāa, rat n yeel ti būmb nins a sēn dat ti d maanā yaa tōnd neer yīnga. Tōeeme n pa yul woto sida? Biiblā yetame ti “Wēnnaam yaa nonglem.” (1 Zā 4:8) Rēnd a kōta tōnd noy sēn na n naf tōnd wakat fāa yīng bala. (Ezayi 48:17) D sā n maand būmb nins fāa a Zeova sēn dat ti d maanā, d na n gila zu-loees wusg rūndā-rūndā, la kit ti d wa paam bark sēn ka set Wēnnaam Rīungā naam sasa.

cl 16 s. a 2

Yāmb sid tōe n ‘kolga Wēnnaam’ bi?

²Pīnd wēndē, a Abrahaam paama zood a woto. A Zeova yeelame t’a yaa yē zoa. (Eza. 41:8) A Zeova ra getame t’a Abrahaam yaa a zoa meng-menga. A Abrahaam paama zood a woto, a sēn “tē a Zeova” wā yīnga. (Zak 2:23) Rūndā-rūndā me, a Zeova raab yaa a kolg neb nins sēn tūud-a, b sēn nong-a wā yīngā. (Tōo. 10:15) A Gomdā sagend-d lame yaa: “Kolg-y Wēnnaam, la bāmb na pēneg yāmba.” (Zak 4:8) Ne gom-kāensā, Wēnnaam boond-d lame, la a pulemd tōnd būmbu.

D bugs Wēnnaam Gomdā zug neere:

it-1 115

A Anak yagensā

Yaa buud neb sēn yaa wogd la beda, n da be Kanaā soolmā babs nins sēn yaa tāensā n

paas ziis kēer sēn be mogrā noore, sēn yuud
 fāa goabg sēnesā. Wakat n zīnd t'a Anak
 yagens a tāab sēn yaa nin-kāsems ra be
 Ebrō. Yaa a Ahima, a Sesayi la a Talmayi.
 (Söd. 13:22) Yu be la Ebre tēn-gūusdb piig la
 a yiibā sēn yā a Anak yagensā. Bāmb piigā
 ti togsa kibay sēn kēesd rabeem, n yeel ti
 nin-kāens yaa Nefilim-dāmbā sēn zīnd nand
 t'a Nowe wakatē sa-kāsengā ni wā yagense,
 la ti b taoore, Ebre-rāmbā yaa wa suya. (Söd.
 13:28-33; Tōo. 1:28) A Anak yagensā woglmā
 kitame ti nebā sā n da na n gom nin-wobg
 yelle, b ra wae yetame t'a soab yaa wa a
 Anak yagensā. B ra maanda woto, baa b sā n
 da na n gom Emim nebā ne Refayim nebā sēn
 da yaa nin-wobd me wā yelle. Wōnda yaa
 b pāngā n kit ti nebā ra wēed yel-bünd n
 yetē yaa: “Ānda n tōe n yals Anak yagensā
 taoore?”—Tōo. 2:10, 11, 20, 21; 9:1-3.

